



BOLETÍN RSU NOVIEMBRE 2020

UNIVERSIDADE DE VIGO.

UNIDADE DE ANÁLISIS E PROGRAMAS



O Comité Ambiental do Green Campus definiu o seu sexto plan de acción

O GREEN CAMPUS REÚNE PRETO DE 80 MEDIDAS NA SÚA FOLLA DE RUTA PARA ESTE CURSO

DUVI PONTEVEDRA 02/11/2020

Preto de 80 accións integran o sexto plan de acción do programa Green Campus, proxecto que permitiu a Pontevedra converterse en 2015 no primeiro campus de España en obter a bandeira verde que outorga a Foundation for Environmental Education (FEE). Diferentes medidas en materia de optimización dos consumos enerxéticos, redución de residuos, consumo responsable, voluntariado ambiental e sustentabilidade integran a folla de ruta do programa para o presente curso. [+info](#).



O reitor e a presidenta da Deputación presentaron este luns a páxina

A CÁTEDRA DEPO-UVIGO ESTREA UN ESPAZO WEB PARA FOMENTAR “A NOVA CULTURA DIXITAL FEMINISTA”

M. DEL RÍO DUVI 02/11/2020

Proxectos de investigación, estudos, convocatorias, bolsas, premios... toda a información relacionada co feminismo 4.0 está dende hoxe reunida nunha web, [na nova páxina da Cátedra Feminismos 4.0 Depo-UVigo](#). O portal, presentado polo reitor, Manuel Reigosa, e a presidenta da Deputación, Carmela Silva, acompañados pola directora da Unidade de Igualdade da Universidade, Águeda Gómez, pretende converterse nun espazo de referencia. [+info](#).



O prazo para presentar candidaturas manterase aberto ata o 16 de novembro

LÁNZASE A II EDICIÓN DOS PREMIOS CONSELLO SOCIAL_UVIGO HUMANA

DUVI 02/11/2020

Co obxectivo de recoñecer o labor desenvolvido por persoas físicas, institucións e organizacións non gobernamentais, tanto galegas como internacionais, que teñan sobresaído pola súa traxectoria en calquera ámbito vencellado coa solidariedade e a cooperación, a Universidade de Vigo e o Consello Social acaban de lanzar a segunda edición dos [Premios Consello Social_UVigoHumana](#), unha iniciativa posta en marcha o curso pasado coa idea de reforzar a función social da universidade pública. [+info](#).



A UVIGO E O CEER IMPULSAN UN PROXECTO PARA FACILITAR A MOBILIDADE DE PERSOAS CON DIVERSIDADE FUNCIONAL NA EURORREXIÓN

DUVI 03/11/2020

A UVigo xunto co Centro de Estudos Eurorrexionais Galicia-norte de Portugal (CEER) e as universidades da eurorrexión impulsan un proxecto transfronterizo para facilitar a mobilidade universitaria de estudantes con diversidade funcional. A iniciativa acaba de ser seleccionada no marco do programa B-solutions, impulsado pola Comisión Europea a través da Asociación de Rexións Fronteirizas Europeas (ARFE). [+info](#).



Elena Rivo, Margarita Hermo e Miguel Rodríguez durante a inauguración da sesión

A ECONOMÍA CIRCULAR, UNHA APOSTA DE FUTURO PARA A EMPRESA FAMILIAR

DUVI OURENSE 03/11/2020

Este martes arrancou a través do Campus Remoto da UVigo o ciclo de conferencias *Empresa familiar e sostibilidade*, organizado pola Cátedra de Empresa Familiar da Universidade de Vigo coa colaboración da Asociación Galega de Empresa Familiar. Na sesión, representantes tanto do eido académico como empresarial afondaron en como afrontan as empresas familiares galegas a aposta pola economía circular reducindo o consumo de materias primas e a xeración de residuos finais. [+info](#).



Imaxe de arquivo de Concepción Campos e Alberto Vaquero, autores do documento

O PAPEL DAS ENTIDADES LOCAIS NA AXENDA 2030, A ANÁLISE NUN DOCUMENTO DA REDE LOCALIS

DUVI OURENSE 04/11/2020

“A situación actual condicionada pola crise da covid-19 e as repercusións en termos de emprego e crecemento económico, esixe promover políticas públicas axeitadas e é precisamente a consecución dos Obxectivos de Desenvolvemento Sostible (ODS) o instrumento que pode axudar aos municipios a dar respostas á crise”. Esta é unha das conclusións recollidas no documento *O papel das entidades locais na Axenda 2030: propostas para a localización e consecución dos Obxectivos de Desenvolvemento Sostible*, elaborado pola Rede Localis, rede de administración local xestionada polo grupo de investigación Governance and Economics Research Network (Gen) da Universidade de Vigo. [+info](#).



A crise sanitaria impide neste 2020 a celebración da Feira da Miniciencia

A COVID-19 CONVERTE PONTENCIENCIA NUNHA SEMANA DE ACTIVIDADES

DUVI PONTEVEDRA 04/11/2020

A crise sanitaria obrigou neste 2020 a reconvertir Pontenciencia nunha semana de actividades de divulgación científica nas que participarán alumnos e alumnas de dez centros de ensino de Pontevedra. As restricións ás que obriga a covid-19 impiden o desenvolvemento da feira de expositiva na que cada ano se presentaban na Escola de Enxeñaría Forestal os proxectos e experimentos desenvolvidos polo alumnado dos diferentes centros participantes, reconverténdoa nunha semana de actividades ás que asistiran grupos reducidos de estudantes. [+info](#).



Na inauguración proxectouse un vídeo de saúdo do presidente da Xunta

O XXII SEMINARIO HISPANO-LUSO DE ECONOMÍA EMPRESARIAL REÚNE ON-LINE A 200 PARTICIPANTES

DUVI OURENSE 05/11/2020

Este xoves e venres organízase desde a Facultade de Ciencias Empresariais e Turismo do campus de Ourense o XXII Seminario Hispano-Luso de Economía Empresarial, iniciativa do Círculo Ibérico de Economía Empresarial (Cibecem). A cita, que se celebra a través do Campus Remoto da UVigo debido á situación sanitaria provocada pola covid-19, está considerada como punto de encontro anual das e dos investigadores no eido da economía empresarial das universidades da raia lusa e española e conta coa participación de arredor de 200 persoas. [+info](#).



Rut Jiménez abriu este ciclo de relatorios virtuais

UN GARAVANZO É UN SER VIVO?

EDUARDO MUÑOZ DUVI PONTEVEDRA 05/11/2020

Un proxecto centrado en levar as aulas de infantil ou primaria propostas de experimentación científica, unha análise de como a combinación de metodoloxías de investigación permite dar resposta a problemas reais e exemplos de como diferentes contidos curriculares poden ser abordados dunha forma conxunta. Con estas tres propostas botou a andar, na tarde deste mércores, o ciclo de conferencias virtuais promovido polo Máster en Investigación e Innovación en Didácticas Específicas para Educación Infantil e Primaria. [+info](#).



É NECESARIA UNHA REVISIÓN DA CONSTITUCIÓN DENDE A PERSPECTIVA DE XÉNERO?

M. DEL RÍO DUVI 06/11/2020

Os sete poñentes que se encargaron da redacción da Constitución española de 1978 eran sete homes, nun contexto político no que tan só había 21 deputadas dun total de 350 escanos no congreso. A consecuencia desta realidade foi que o debate constituínte de 1978, ao igual que o texto constitucional, non foron especialmente xenerosos coas reivindicacións feministas. Así o explica Ángel Aday Jiménez, profesor de Dereito Constitucional da Universidade de Vigo e un dos organizadores da xornada. [+info](#).



O taller sobre liques levou ao alumnado ata a illa do Covo

A EE FORESTAL, PROTAGONISTA NO ARRANQUE DA SÉTIMA EDICIÓN DE PONTENCIENCIA

DUVI PONTEVEDRA 09/11/2020

Cada ano, a Escola de Enxeñaría Forestal acollía o evento final do programa Pontenciencia, unha feira na que o alumnado dos diferentes centros educativos do municipio presentaba os proxectos e experimentos científicos que desenvolvera nos meses previos. A situación sanitaria impediu que neste 2020 se levase a cabo unha nova edición da Feira da Miniciencia, mais non que o centro do campus pontevedrés fose un dos protagonistas da sétima edición deste proxecto promovido pola Concellería de Educación en colaboración coa Universidade de Vigo e co financiamento da Fundación Española para a Ciencia e a Tecnoloxía do Ministerio de Ciencia e Innovación. [+info](#).



Susana Reboreda, Manuel Ramos, Belén Rubio, Manuel Reigosa, Jose Pazos, Martín López e Martín Llamas

UN PROXECTO INTERNACIONAL LIDERADO POLA UVIGO DIVULGARÁ O PATRIMONIO QUE RODEA ÁS GRANDES VÍAS DE PEREGRINACIÓN DE EUROPA

DUVI 09/11/2020

rurALLURE é unha mestura de termos en inglés (*rural*; *lure*, atraer e *allure*, encanto) que dá nome ao proxecto internacional liderado pola Universidade de Vigo, no que participan máis dunha decena de socios de seis países europeos, e que ten por obxectivo a divulgación do patrimonio cultural que rodea ás grandes vías de peregrinación de Europa. Financiado con preto de 3 millóns de euros procedentes do programa Horizonte 2020 da Comisión Europea, *rurALLURE*: *Promoción de museos e sitios culturais en áreas rurais na contorna dos camiños de peregrinación de Europa*. [+info](#).



A UNIVERSIDADE SÚMASE AO PROGRAMA 'RESCATADORES DE TALENTO' DE FOMENTO DA EMPREGABILIDADE

DUVI 09/11/2020

A Universidade de Vigo acaba de sumarse ao programa *Rescatadores de Talento*, unha iniciativa impulsada pola Fundación Princesa de Girona que promove a empregabilidade das mozas e mozos de entre 20 e 30 anos con formación universitaria ou de Formación Profesional organizando diferentes actividades que os axudan a prepararse e a potenciar as súas competencias para acceder a un emprego axeitado á súa formación. [+info](#).



Lorenzo, Álvarez Lires e Amorín presentaron a maleta dos océanos

A SUSTENTABILIDADE E A IGUALDADE PRECISAN DUNHA ABORDAXE TRANSVERSAL DA AXENDA 2030

EDUARDO MUÑIZ DUVI PONTEVEDRA 10/11/2020

Unha mirada á Axenda 2030 desde unha perspectiva de xénero: o mar das mulleres nas túas mans era o título da sexta edición da Xornada sobre bo uso e mal uso do mar que, dada a situación sanitaria, este martes levouse a cabo de xeito virtual a través de Campus Remoto. Organizada pola Facultade de Ciencias da Educación e do Deporte, coa colaboración da Deputación de Pontevedra, o Consello da Cultura Galega e o Campus do Mar, este foro pon cada ano o foco na importancia da sustentabilidade dos océanos, “que son máis do 70% do planeta e que están tan esquecidos”, como salientou a súa coordinadora, a profesora María Álvarez Lires. [+info](#).



Lorenzo, Álvarez Lires e Amorín presentaron a maleta dos océanos

UN VÍDEO DIVULGATIVO PARA DAR A COÑECER AS INVESTIGACIÓNS DA UNIVERSIDADE DE VIGO SOBRE A COVID-19

M. DEL RÍO DUVI 10/11/2020

Dende que se declarou a pandemia mundial do coronavirus, a Universidade de Vigo tratou de poñer as súas capacidades, coñecementos e potencialidade ao servizo da sociedade. Nas primeiras semanas, por exemplo, tratando de unirse ao tecido produtivo fabricando pantallas e outras medidas de protección e posteriormente poñendo en marcha diversos proxectos de investigación relacionados con diferentes aspectos da loita contra a covid-19. Moitos deles recóllense nun [vídeo divulgativo](#) elaborado pola Unidade de Cultura Científica e da Innovación (UCC+i) coincidindo co Día Mundial da Ciencia para a Paz e o Desenvolvemento, que se conmemora hoxe martes. [+info](#).



PRIORIZAR, INNOVAR E INTERNACIONALIZAR, CLAVES DE GALICIA ANTE A TRANSFORMACIÓN DO SECTOR ENERXÉTICO

M. DEL RÍO DUVI 11/11/2020

Non existe dúbida de que o planeta afronta un momento de transformación profunda no ámbito enerxético, e neste contexto conflúen a crise provocada pola pandemia, un cambio tecnolóxico de primeira magnitude marcado pola dixitalización e a urxencia da redución de emisións de gases de efecto invernadoiro. Os retos son múltiples, tanto globais como locais e, precisamente, neste último aspecto centrouse o debate que este mércores organizou a Facultade de Ciencias Económicas e Empresariais no marco do ciclo *Coloquios en tempos de pandemia*. [+info.](#)



Concepción Campos, Natalia Caparrini, Javier Rueda e Sonia Postigo na apertura das xornadas

A ADMINISTRACIÓN XERAL DO ESTADO BUSCA NOS CAMPUS ÁS NOVAS XERACIÓNS DE EMPREGADOS PÚBLICOS RACHANDO CON ESTEREOTIPOS CADUCADOS

D. BESADÍO DUVI 11/11/2020

Máis dun cento de estudantes de diferentes escolas e facultades asistiron este mércores a través do Campus Remoto da UVigo a unha Xornada de Captación de Talento organizada polo Ministerio de Política Territorial e Función Pública en colaboración coa Área de Emprego e Emprendemento da Universidade de Vigo. Dirixida ao alumnado, sobre todo aquel que está a piques de titularse, as persoas participantes tiveron neste encontro a posibilidade de achegarse de primeira man ao conxunto de oportunidades de traballo que ofrece a función pública. [+info.](#)



Varela e Porta, na conferencia que se desenvolveu a través de Campus Remoto

A HUMANIZACIÓN, UN ASPECTO CLAVE PARA FACER DAS AULAS HOSPITALARIAS UN “OASIS” DE APRENDIZAXE

DUVI PONTEVEDRA 12/11/2020

“Unha escola hospitalaria debería supor un oasis dentro do propio proceso de enfermidade e hospitalización do menor”, salienta Pilar Porta, responsable da aula do Hospital Arquitecto Marcide de Ferrol, un dos sete espazos dedicados a garantir a continuidade dos procesos de aprendizaxe dos e ás menores durante o seu período de hospitalización existentes en Galicia. [+info.](#)



A xuntanza levouse a cabo a través de Campus Remoto

XUNTA E EE FORESTAL IMPULSAN UN PROCESO PARTICIPATIVO PARA ELABORAR A FUTURA LEI DE PREVENCIÓN DE INCENDIOS

DUVI PONTEVEDRA 13/11/2020

Impulsar un proceso participativo que permita reunir as opinións de máis de 200 axentes do sector de cara a elaboración da futura lei de prevención e defensa contra os incendios forestais. Ese é propósito da unidade mixta impulsada, a través dun convenio, pola Xunta de Galicia e a Universidade de Vigo, que este venres celebrou a primeira dunha serie de reunións con representantes da Consellería do Medio Rural, do Servizo de prevención e defensa contra os incendios forestais e membros do Consello Forestal de Galicia. [+info.](#)



A directora xeral de Desenvolvemento Pesqueiro; a conselleira do Mar e as autoras do libro, Nora Martínez e Emma Rodríguez

UNHA ANÁLISE XURÍDICA DO TRABALLO DA MULLER NA PESCA DA MAN DAS INVESTIGADORAS NORA MARTÍNEZ E EMMA RODRÍGUEZ

DUVI 13/11/2020

Análise xurídica do traballo da muller na pesca é unha obra que nace dunha xornada celebrada no outono do 2019, organizada polas as súas autoras, as docentes e investigadoras da Universidade de Vigo, Nora Martínez e Emma Rodríguez. A partir desas sesións de traballo nas que se abordaron a perspectiva xeral sobre os obstáculos á igualdade de oportunidades no sector primario e os problemas xurídicos arredor do traballo da muller na pesca en Galicia, as autores analizan na súa obra aspectos relacionados co apoderamento das mulleres na comunidade marítima. [+info.](#)



Participante nunha carreira organizada en 2019 por alumnado de Fisioterapia

UN ESTUDO DESEÑADO NA UVIGO ALERTA DAS CONSECUCENCIAS PARA A SAÚDE DE IMPEDIR A ACTIVIDADE FÍSICA NUN CONFINAMENTO

DUVI PONTEVEDRA 16/11/2020

“Impedir a práctica de actividade física durante un confinamento ten consecuencias negativas para a saúde da poboación, e este impacto é de moita maior magnitude naquelas persoas que no seu día a día son fisicamente activas”. Esta é, como salienta o investigador do grupo Well-Move da Facultade de Ciencias da Educación e do Deporte Carlos Ayán, a principal conclusión do estudo que levou a cabo xunto con docentes das universidades de León, Complutense de Madrid e Isabel I. [+info.](#)



Un intre da anterior edición desta iniciativa

UN CURSO PARA O QUE O ALUMNADO DE ENFERMARÍA LEVE A PERSPECTIVA DE XÉNERO Á PRÁCTICA PROFESIONAL

DUVI PONTEVEDRA 16/11/2020

Formar ao alumnado da Escola Universitaria de Enfermaría de Pontevedra, centro adscrito á Universidade de Vigo, na importancia de contribuír á ruptura de estereotipos e prexuízos de xénero, así como achegarlles información sobre igualdade de oportunidades, discriminación e violencia de xénero e proporcionarlles coñecementos e ferramentas para facilitar a reflexión autocrítica e promover actitudes feministas. Estes son os obxectivos do Módulo de sensibilización en igualdade de oportunidades entre mulleres e homes e perspectiva de xénero, que a escola acolle mañá, martes 17, e o 1 de decembro. [+info](#).



Captura da páxina web onde están dispoñibles os vídeos da mostra

14 VÍDEOS PARA COÑECER 14 MULLERES REFERENTES NO CAMPO DA CIENCIA, A TECNOLOXÍA E AS ENXEÑARÍAS

DUVI OURENSE 17/11/2020

14 vídeos curtos nos que investigadoras e profesoras de catro centros do campus de Ourense explican de xeito divulgativo a traxectoria e relevancia de 14 mulleres referentes no campo da ciencia, a tecnoloxía e as enxeñarías. Así se presenta a exposición virtual *Exxperimenta en feminino*, iniciativa que, ao igual que o proxecto no que se enmarca, ten como obxectivo último espertar en rapaces e rapazas a vocación científica suplindo a carencia de referentes femininos nestes campos. [+info](#).



Nestes intres a Universidade de Vigo ten matriculados 237 alumnos e alumnas internacionais

MALIA A PANDEMIA, A UNIVERSIDADE ACOLLE ESTE CURSO ESTUDANTES DE 26 NACIONALIDADES

D. BESADÍO DUVI 17/11/2020

Nun contexto global de redución da mobilidade por causa da pandemia as aulas da Universidade de Vigo seguen acollendo este curso a estudantes de múltiples nacionalidades. Como non podía ser doutro xeito a covid-19 freou a chegada de alumnas e alumnos estranxeiros, pero aínda así [as aulas da UVigo acollen este curso a 237 estudantes de 26 nacionalidades](#), manténdose Francia (57), Italia (50) e Alemaña (36) como principais países de procedencia. [+info](#).



Durante a súa intervención percorreu os diferentes espazos dunha escola infantil

UNHA CONFERENCIA ABORDA A IMPORTANCIA DO AMBIENTE NAS ESCOLAS INFANTÍS

DUVI OURENSE 17/11/2020

O Campus Remoto da Universidade de Vigo acolleu este martes unha conferencia que, organizada polo Departamento de Filoloxía Galega e Latina da UVigo, afondou na importancia dos ambientes na escola infantil de 0 a 3 anos. Nela, Cristina Llinares, directora da Escola Infantil de Vigo-Valadares, reflexionou co alumnado da Faculta de Educación e Traballo Social do campus de Ourense sobre os diferentes ambientes nas escolas infantís, percorrendo os seus distintos espazos, desde os corredoiros ata o exterior sen esquecer as aulas. [+info](#).



Manuel Reigosa e Andrés Fernández asinando o convenio

UVIGO E FUNDACIÓN MENTOR RENOVAN A SÚA COLABORACIÓN PARA CONTINUAR IMPULSANDO A INVESTIGACIÓN E A FORMACIÓN COMPLEMENTARIA DO ESTUDANTADO

M^a DEL CAMEN ECHEVARRÍA DUVI 17/11/2020

Colaboración para o desenvolvemento de proxectos de investigación; organización e realización de actividades académicas como cursos, conferencias ou seminarios; apoio a investigadores e estudantes; intercambio de publicacións, traballos de investigación e outros materiais académicos; colaboración en proxectos culturais ou mobilidade de estudantes e persoal docente, así como promoción da igualdade de oportunidades entre mulleres e homes en todos os ámbitos da sociedade. [+info](#).



Presentación de Sherpa do Mar onte luns no workshop 'Towards a pact for skills in the maritime technology industry'

A UNIVERSIDADE PRESENTA AS SÚAS ACHEGAS Á ECONOMÍA DO MAR NO BUSINESS2SEA

M. DEL RÍO DUVI 17/11/2020

Business2Sea é un evento internacional centrado no desenvolvemento de proxectos e negocios nos diferentes sectores da economía do mar. Impulsado pola asociación portuguesa Fórum Oceano e o Centro Tecnolóxico do Mar (Cetmar), esta cita ía celebrarse por primeira vez en Vigo pero a situación sanitaria derivada da covid-19 obrigou a optar por un formato virtual. O simposio, con preto de 600 participantes, arrancou onte luns, coincidindo co Día Nacional do Mar en Portugal, e estenderase ata o venres. [+info](#).



Manuel Reigosa, reitor da Universidade de Vigo; Carmela Silva, presidenta da Deputación de Pontevedra, e Natalia Caparrini, vicerreitora de Captación de Alumnado, Estudiantes e Extensión Universitaria presentaron o acordo polo que a Deputación se suma ao programa InspiraSTEAM Foto: Deputación de Pontevedra

O PROGRAMA INSPIRASTEAM CONSOLÍDASE NA PROCURA DE VOCACIÓNS CIENTÍFICAS E TECNOLÓXICAS ENTRE AS NENAS

M. DEL RÍO DUVI 18/11/2020

O número de estudantes que optan por unha formación en tecnoloxía decrece cada ano, e no caso das mozas os datos agudízanse. Mentres o 54,8% do total do alumnado do sistema universitario español son mulleres, a súa presenza nas titulacións técnicas como enxeñarías e arquitectura é só do 25%, unha cifra que nalgúns títulos incluso se reduce ao 8%. Estes datos constatan a necesidade de adoptar medidas que fomenten a presenza de mulleres nas disciplinas coñecidas como STEAM (Science, Technology, Engineering, Arts and Maths). [+info.](#)

10



Un intre da presentación de hoxe en Santiago (Foto:Xunta)

AS TRES UNIVERSIDADES GALEGAS COLABORARÁN COA XUNTA E O SECTOR TURÍSTICO NO DESEÑO DO PLAN DIRECTOR 2021-2023 GALICIA DESTINO SEGURO

DUVI 18/11/2020

Expertos e expertas das tres universidades galegas están a traballar coa Xunta e o Clúster Turismo de Galicia nas bases do novo Plan Director 2021-2023 Galicia Destino Seguro, co que o executivo autonómico pretende facer fronte á covid-19 e reactivar o sector turístico. Concretamente o Plan, presentado hoxe en Santiago de Compostela polo vicepresidente primeiro da Xunta, Alfonso Rueda, e o conselleiro de Cultura, Educación e Universidade, Román Rodríguez, busca recuperar a confianza dos viaxeiros. [+info.](#)



Judit García e Virginia Torrecillas son as responsables da formación

ALUMNADO DO CAMPUS AFONDA NO USO DE CANS EN INTERVENCIÓNS TERAPÉUTICAS E EDUCATIVAS

DUVI OURENSE 19/11/2020

Por terceiro ano consecutivo, o campus de Ourense acolle a celebración do obradoiro Intervencións Asistidas con Cans/Cadelas. Nel unha ducia de estudantes da Facultade de Educación e Traballo Social están a coñecer “os beneficios do traballo con cadelas e cans tanto en actividades como en terapia baixo o prisma da educación social e sempre tendo en conta o estado emocional e cognitivo do animal que permite a xeración destes espazos diferenciados”. [+info.](#)



Lago e Fernández son dous integrantes da selección española neste torneo

DOUS XADRECISTAS DO EXP-UVIGO PARTICIPARÁN NA OLIMPIÁDA PARA DEPORTISTAS CON DISCAPACIDADE

DUVI PONTEVEDRA 19/11/2020

Mari Carmen Lago e David Fernández, deportistas do Escola Xadrez Pontevedra-Universidade de Vigo, son dous dos integrantes da selección coa que España competirá a vindeira semana na Olimpíada en liña para deportistas con discapacidade. “Penso que se trata dun dos maiores éxitos deportivos, para nós como escola e tamén para Pontevedra”, salienta o director técnico do EXP-UVigo, Daniel Rivera, da elección destes dous xadrecistas para formar parte do equipo co que España competirá do 21 ao 27 de novembro nun torneo que, dada a situación sanitaria, desenvolverase a través da rede. [+info.](#)

11



TRES CATEDRÁTICOS PARA HOMENAXEAR AO “PROFESSOR” RICARDO CARBALHO CALERO

DUVI OURENSE 19/11/2020

A pandemia provocada polo coronavirus fixo que este ano o Día das Letras Galegas non puidese desenvolverse como en edicións anteriores. Co obxectivo de non rematar 2020 sen conmemorar esta efeméride, o campus de Ourense celebrará o xoves 26 de novembro un acto no que tres catedráticos da UVigo, María Victoria-Carballo Calero, Jesús de Juana e María do Carmo Henríquez, falarán desde diferentes perspectivas sobre o homenaxeado este ano pola Real Academia Galega, o profesor e primeiro catedrático de Lingua e Literatura Galegas Ricardo Carballo Calero. O acto, non aberto ao público, retransmitirase en directo a través da [UVigo TV](#). [+info.](#)



A investigadora Ana López Malvar é a autora da tese

A SELECCIÓN XENÓMICA DESVÉLASE COMO O MELLOR MÉTODO PARA OBTEN UN MILLO DE MELLOR CALIDADE E MÁIS RESISTENTE

D. BESADÍO DUVI 19/11/2020

“A mellor estratexia para obter un millo máis resistente, que produza máis etanol e sexa máis dixerible para o gando é empregar a selección xenómica”, explica a bióloga Ana López Malvar, autora da tese de investigación Estrutura dos compoñentes da parede celular do millo. Estudo do seu rol en protección de cultivos, dixestibilidade animal e produción bioenerxética, unha investigación realizada ao abeiro da unidade asociada entre o grupo Xenética e Mellora do Millo da Misión Biolóxica de Galicia. [+info.](#)



O obxectivo da rede é poder estimar a abundancia das poboacións. Na imaxe, exemplar 'Euphaea ornata'

ENTOMÓLOGOS DE 13 PAÍSES PROMOVEN UNHA REDE DE CIENCIA CIDADÁ PARA COÑECER O TAMAÑO DAS POBOACIÓNS DE LIBÉLULAS

DUVI PONTEVEDRA 20/11/2020

Aínda que o traballo desenvolvido pola comunidade científica fai posible ter cada día un maior coñecemento das preto de 6000 especies de libélulas e cabaliños do demo existentes no mundo e da súa distribución, son moi limitados os datos referidos á súa abundancia, ao tamaño das poboacións, o que pode resultar fundamental para a súa preservación. [+info.](#)

12



UN NOVO PLAN DE IGUALDADE PARA A UVIGO NA PROCURA DUNHA TOTAL INCORPORACIÓN DA PERSPECTIVA DE XÉNERO A TODOS OS ÁMBITOS

M^a DEL CAMEN ECHEVARRÍA DUVI 20/11/2020

A Universidade de Vigo conta desde hoxe cun novo Plan de Igualdade, o terceiro da súa historia, aprobado por asentimento polos membros do Consello de Goberno. Unha vez rematada a vixencia do seu antecesor e cos atrancos sufridos no seu proceso de elaboración por mor da pandemia, o novo documento, que terá vixencia entre os anos 2020 e 2024, recibiu hoxe o apoio unánime do órgano de goberno da Universidade, ante o que a directora da Unidade de Igualdade, Águeda Gómez, o definiu como "un elemento vivo, polo que pode incorporar modificacións en función das necesidades detectadas". [+info.](#)



O obxectivo da rede é poder estimar a abundancia das poboacións. Na imaxe, exemplar 'Euphaea ornata'

OS PREMIOS INCUVI DECIDIRANSE ESTE CURSO ENTRE 24 INICIATIVAS EMPRESARIAIS

D. BESADÍO DUVI 20/11/2020

O xurado dos [premios Incuvi ao Emprendemento](#) dedicará as propostas gañadoras desta edición entre 24 iniciativas empresarias: 14 solicitudes optan aos premios Incuvi Emprande que acadan xa a súa novena edición e nos que se outorgarán un máximo de 12 axudas; nove solicitudes optan aos Incuvi Avanza, que van pola súa quinta edición e dos que se outorgarán catro axudas e, para a nova modalidade, Incuvi Consolida, recibíuse unha única solicitude. [+info.](#)

O CONTROL TAMÉN É VIOLENCIA

Unha das gráficas realizada polo alumnado de CCSS e da Comunicación

O ALUMNADO DE CCSS E DA COMUNICACIÓN SUMA A SÚA CREATIVIDADE A LOITA CONTRA A VIOLENCIA MACHISTA

DUVI PONTEVEDRA 20/11/2020

Nun momento no que a crise sanitaria dificulta levar a cabo múltiples iniciativas, as redes sociais poden constituír unha valiosa plataforma para a denuncia da violencia machista. Con ese punto de partida e coincidindo coa conmemoración, o vindeiro mércores, do Día internacional contra a violencia de xénero, a axencia de publicidade júnior Freshysweet, integrada por estudantes da Facultade de Ciencias Sociais e da Comunicación, desenvolveu unha campaña, conformada por unha serie de vídeos e imaxes gráficas, para a asociación [En Negro Contra as Violencias](#).

13



Sete emprendedores e emprendedoras defenderon os seus proxectos diante do xurado

CINCO MINUTOS PARA PROXECTAR UNHA IDEA EMPRESARIAL

DUVI PONTEVEDRA 20/11/2020

Aínda que a situación sanitaria obrigou a adiar a vindeira primavera as súas actividades presenciais, a covid-19 non está a impedir que o [Pont-Up Store](#), o encontro do emprendemento promovido polo Campus Crea, coa Concellería de Promoción Económica e Turismo como patrocinador principal, continúe a despregar o seu programa de actividades. [+info](#).


A ÁREA DE BENESTAR, SAÚDE E DEPORTE PON EN MARCHA UN CONCURSO QUE ANIMA A CAMIÑAR POLO CAMPUS

DUVI 20/11/2020



A Ruta da Cima conta coas zonas das mámoas, da devesa e do estanque como puntos principais

Nun contexto caracterizado polas limitacións de mobilidade, a Área de Benestar, Saúde e Deporte acaba de lanzar unha iniciativa para animar á comunidade universitaria a camiñar polo campus de Vigo seguindo un itinerario que conta coas zonas das mámoas, da devesa e do estanque como puntos principais. A chamada [Ruta da Cima](#) está ideada para que calquera persoa poida realizala e ten unha duración máxima de vinte minutos. [+info](#).



Manuel Caeiro, cuarto pola esquerda, na xuntanza de lanzamento do proxecto celebrada hai uns meses en Grecia



Universidade de Vigo



Manuel Caeiro, cuarto pola esquerda, na xuntanza de lanzamento do proxecto celebrada hai uns meses en Grecia

VIGO PARTICIPA NUN PROXECTO INTERNACIONAL QUE FOMENTA A APRENDIZAXE BASEADA EN XOGOS ENTRE O ALUMNADO DE ENXEÑARÍA E ECONOMÍA

D. BESADÍO DUVI 23/11/2020

A Universidade de Vigo é un dos cinco socios do proxecto europeo HERA, *Higher Education Re-engineering through Active Learning for Growth*, un traballo financiado con preto de 300.000 euros (Erasmus+) que ten como principal obxectivo desenvolver entre o alumnado de educación superior en enxeñaría e economía habilidades de resolución de problemas a través dun enfoque educativo baseado en xogos. [+info](#).

UNHA XORNADA ABORDARÁ AS DIVERSAS SAÍDAS PROFESIONAIS DO SECTOR DA PESCA PARA O ALUMNADO DO EIDO XURÍDICO E EMPRESARIAL

DUVI 23/11/2020

A área de Dereito do Traballo e da Seguridade Social da Facultade de Xurídicas e do Traballo organiza a xornada *O emprego en Europa: o sector da pesca* que ten lugar entre os días 25 e 26 de novembro co obxectivo de achegar aos estudantes, tanto universitarios como de Formación Profesional, así como á sociedade, as diversas saídas profesionais vinculadas ao sector pesqueiro. A xornada desenvolverase en modalidade virtual a través de Campus Remoto e porá o foco principalmente nas oportunidades que este sector achega ao alumando dos eidos do dereito, as relacións laborais ou as ciencias empresariais. [+info](#).

AS XORNADAS GALEGAS DE PATRIMONIO NATURAL E BIODIVERSIDADE TRASLÁDANSE Á REDE

DUVI PONTEVEDRA 24/11/2020

Convertidas, como sinalan desde a Sociedade Galega de Historia Natural (SGHN), nunha “cita ineludible co eido medioambiental galego”, as Xornadas Galegas de Patrimonio Natural e Biodiversidade celebrarán neste 2020 a súa cuarta edición nas súas datas habituais, na última fin de semana de novembro. Mais a situación sanitaria provocada pola covid-19 obriga a trasladar este evento da Escola de Enxeñaría Forestal ao Campus Remoto. [+info](#).



OS HOMES DA UVIGO PERCIBEN UN MAIOR GRAO DE IGUALDADE NA INSTITUCIÓN ACADÉMICA CA NO RESTO DA SOCIEDADE

DUVI 24/11/2020

A diagnose realizada pola Unidade de Igualdade sobre as actitudes e opinións respecto da violencia exercida contra as mulleres constata que os homes da comunidade universitaria perciben un maior grao de igualdade na institución académica que no resto da sociedade. Non obstante, este estudo reflicte unha serie de fortalezas e debilidades acerca da percepción da violencia de xénero entre a comunidade universitaria masculina, que é un dos aspectos centrais da análise. [+info](#).

15



Punto de recollida de CCSS e da Comunicación

PRETO DUN CENTO DE RAEES REUNIDOS NA DÉCIMO TERCEIRA CAMPAÑA DE RECOLLIDA DO CAMPUS

EDUARDO MUÑIZ DUVI PONTEVEDRA 24/11/2020

Ordenadores, teclados, monitores, impresoras, teléfonos móbiles, videoconsolas, cámaras, secadores... A XIII Semana de Recollida de RAEES (Residuos de Aparatos Eléctricos e Electrónicos), unha das accións promovidas polo programa Green Campus, permitiu reunir ao longo da pasada semana preto dun cento de electrodomésticos e compoñentes informáticos co propósito de que sexan trasladados a un xestor autorizado no tratamento destes residuos, coa excepción daqueles aos que poida darse un novo uso. [+info](#).



Xosé Manuel Cid, Esther de Blas e María Victoria Carrera na inauguración da mostra este mércores

32 REFERENTES FEMININOS PARA AS E OS FUTUROS EDUCADORES

DUVI OURENSE 25/11/2020

Hipatia de Alexandría, Concepción Arenal, Maria Montessori e así ata 32 nomes de educadoras que destacaron ao longo da historia forman parte da mostra *Educación en feminino: un paseo pola historia* que desde este mércores se pode ver no primeiro andar da Facultade de Educación e Traballo Social do campus de Ourense. [+info](#).



Xosé Manuel Cid, Esther de Blas e María Victoria Carrera na inauguración da mostra este mércores

UN MINUTO DE SILENCIO CONTRA A VIOLENCIA DE XÉNERO

DUVI 25/11/2020

A Universidade de Vigo sumouse este mércores 25 de novembro, Día Internacional da Eliminación da Violencia contra as mulleres, ao minuto de silencio convocado pola Delegación del Gobierno contra la Violencia de Género polas vítimas da violencia contra as mulleres, polas asasinadas e polas supervivintes. [+info.](#)

16



O PROXECTO SHERPA DO MAR AXUDARÁ ÁS EMPRESAS DO SECTOR MARIÑO-MARÍTIMO A COÑECER A SÚA POSICIÓN COMPETITIVA

M. DEL RÍO DUVI 26/11/2020

O proxecto Sherpa do Mar, liderado polo grupo de investigación REDE, ten como obxectivo dinamizar a creación e consolidación de novas actividades empresariais intensivas en coñecemento no ámbito mariño-marítimo na eurrrexión Galicia e norte de Portugal. Para logralo acaba de poñer en marcha unha [nova iniciativa](#), que permitirá ás empresas deste eido coñecer a súa posición competitiva fronte a outras entidades do sector, ademais de avaliar as súas capacidades e necesidades en materia de I+D+i. [+info.](#)



Os xoguetes poden entregarse ata o vindeiro 14 de decembro

O CAMPUS ACOLLE, POR OITAVO ANO CONSECUTIVO, A CAMPAÑA SOLIDARIA 'CADA NENO, UN XOGUETE'

DUVI 26/11/2020

Por oitavo ano consecutivo e coa chegada do Nadal, a Universidade de Vigo súmase á campaña *Cada neno, un xoguete*, un proxecto ideado pola Asociación STOP que anima á poboación viguesa a doar xoguetes para que as rapazas e rapaces en circunstancias económicas complicadas non queden sen agasallos nestas datas. Ata o 14 de decembro, todas as persoas interesadas poden depositar as súas doazóns na planta -1 do edificio Exeria, único punto de recollida no campus, ou no almacén desta agrupación solidaria en Bouzas. [+info.](#)



Os premios entregáranse o 18 de decembro

CONSELLO SOCIAL UVIGO-HUMANA Á ASOCIACIÓN PROVIVIENDA E AO FONDO GALEGO DE COOPERACIÓN E SOLIDARIEDADE

DUVI 27/11/2020

A asociación Provivienda e o Fondo Galego de Cooperación e Solidariedade son as entidades gañadoras dos II Premios Consello Social UVigo-Humana, galardóns cos que a Universidade e o seu Consello Social buscan recoñecer o labor desenvolto por persoas físicas, institucións e organizacións non gobernamentais, tanto galegas como internacionais, que teñan sobresaído pola súa traxectoria en calquera ámbito vencellado coa solidariedade e a cooperación. [+info](#).

17



A CÁTEDRA DE FEMINISMOS 4.0 CONVIDA A HACKEAR O PATRIARCADO

DUVI 27/11/2020

Ás tradicionais desigualdades de xénero que as sociedades arrastran dende hai milenios, estanse a sumar novos comportamentos sexistas e discriminatorios relacionados coas novas tecnoloxías, a economía dixital ou as redes sociais. Así, ademais da fenda de xénero nas profesións STEAM (Science, Technology, Engineering, Arts and Maths) e dos negos sexistas e racistas dos algoritmos tamén se incrementa a violencia dixital contras as mulleres feministas. [+info](#).

O CAMPUS PROXÉCTASE DIANTE DO TECIDO EMPRESARIAL

DUVI PONTEVEDRA 27/11/2020

O potencial das alianzas entre a Universidade e o tecido empresarial para promover o desenvolvemento económico e social é unha das cuestións que pon sobre a mesa o I Encontro-Universidade Empresa, un foro virtual promovido pola Asociación de Empresarios da Pequena e Mediana Empresa de Pontevedra (Aempe) co patrocinio do Consello Social da Universidade de Vigo. [+info](#).



Un intre do coloquio virtual no que participaron Cancela, Souto e Varela

UNIVERSIDADE DE VIGO

Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640